

სამეურნეო ჟურნალი

მოსავალი

(იბეჭდება ორ კვირაში ერთხელ)


ჟურნალის ფასი წელიწადში . . . 3 მან. || რედაქცია: კავკასიის სამეურ. საზოგადოება
თითო ნომერზე ხელზე გასასყიდად . 10 კაპ. || ადრესი: Тифлиς, Варягинская, № 5.

წელიწადი მმოკე

1910 წელიწადი.—14 აპრილი.—№ 8.

შინაარსი

რედაქციისაგან	3
პირველი მორიგი გამოფენა-ბაზარი ხილულობისა	3
ი. ქუთათელაძე	ხვენი ქვეყნის აბრეშუმის შარკი უცხოეთის ბაზარზე . . . 6
გ. თაქთაქიშვილი	ხესილის მტრები 10
ვ. კარალელი	ბახჩისარაის კვასი 10
გ. ცხადაძე	უეფის ავადმყოფობანი 12
ა. კახელაძე	კათხვა და შასუხი 14
მასალა სამეცნიერო სიტყვათ-კრებულის შესადგენი	15
<u>საყურადღებო ცნობები:</u>	
ვალტირის წასასმელი ფოლადისა და რკინის დაყვანების წინააღმდეგ	16
ღითინების გაწმენდა ჭუჭყლისა და უანგისაგან	—
დაბებულნი ღიმანი ტიანჭველების წინააღმდეგ	—



სამეურნეო ჟურნალი მოსაკალი

(იბეჭდება ორ კვირაში ერთხელ)

წარსულ წელს ჟურნალში დაიბეჭდა წერილები შემდეგი პირებისა:—
პ. ავერკინისა, ა. აფხაზისა, აგრიკოლისი, ვ. ანოშვილისა, ვ. ახლაძესი ლ. გოგნიევისა, ვ. გულბათიშვილისა, დ. გორთაშაშვილისა, შ. დედაბრიშვილისა, ელენესი, ზ. ედილაშვილისა, მ. ზალიშვილისა, ა. თამაშვილისა, ე. იოსელიანისა, დ. კანჩერისა, ე. კარბელაშვილისა, პ. ლორთქიფანიძესი, დ. შიღვიანისა, ს. მგალობლიშვილისა, მ. მაღალაშვილისა, ნ. მაკარაშვილისა, ვ. შატელიშვილისა, მ. მამულაშვილისა, გ. ნახუცრიშვილისა, ც. ნ., ი. პა-
ცაშვილისა, ვ. რცხილაძესი, მ. სემიონოვისა, პროფ. ა. ფორტუნაკოვისა, ვ. შ—ელისა, ი. წინამძღვარიშვილისა, ს. ხუნდაძესი, ე. სრამელაშვილისა, მ. ჯანაშვილისა, ი. ჯორ-
ჯაძესი და რამდენიმე წერილი ხელმოუწერელი.

რედაქცია მოელის სხვებიდაგნაც თანამშრომლობის სურვილის გამოცხადებას.

რედაქციასთან ტერმინების შესამუშავებლად არსებობს კოლეგია, რომლის კომ-
პეტენცია რედაქციას სავალდებულოა აქვს თავისთვის მიღებული იმ იმედით, რომ
გარემოება იგი ერთის ნხრით გამბედაობასა და სიმშვიდეს მისცემს შრომაში ყველა
იმათ, ვინც ქალაქ გარედ სცხოვრობენ და არ შეუძლიანთ რედაქციასთან პირისპირ
შეთანხმება რომელიმე ტერმინის ხმარების შესახებ, და მეორეს ნხრით მისცემს ქარ-
თულს ენას მეცნიერებათა ყველა დარგში გარკვეულ სახიერებას.

კოლეგიაში ჯერხანობით მოწვეულ არიან: გოგებაშვილი ი., სარაჯიშვი-
ლი ა., ჯანაშვილი მ., თაყაიშვილი ე., იოსელიანი ე., გულისაშვილი შ., ყიფშიძე გ.,
ჯაბადარი ი., კარიჭაშვილი დ., ბილანაშვილი შ., დედაბრიშვილი შ., ღამბაშიძე ე.,
აღლაძე ი., გულისაშვილი მ.

თანამშრომელთა საუბრადღებოდ.

ჟურნალის შემოსავლიდან გაისტუმრება ხარჯი სტამბისა და კანცელარიისა, და-
ნარჩენი (თუ რამე დარჩა) წლის დამლევს დაურეგდებათ თანამშრომლებს პროპორ-
ციულად მათი ნაშრომისა.

დასაბეჭდად მიღებული წერილები შეიძლება რედაქციამ შეასწოროს და შეა-
მოკლოს. წერილები და კორესპონდენციები, რომელნიც არ დაიბეჭდებიან, არც შე-
ინახებიან დასაბრუნებლად.

რედაქცია მზათ არის აღმოუჩინოს „მოსაკალის“ მკითხველებს ყოველ გვარი
შუამავლობა სამეურნეო იარაღებისა და მაშინების და აგრედვე ყველა სამეურნეო
ნაწარმოების შექენა-გასაღებში.

განცხადებები დაიბეჭდება მხოლოდ უკანასკნელ გვერდზე. ჩვეულებრივი სტრი-
ქონი (ვენური ან აკადემიური ასოთი) განცხადებისა ღირს **ორი შაური**.
წლიურ აბონემენტებისათვის განცხადების ფასი რედაქციასთან **შეთანხმებით**.
განცხადების ფასი წინდაწინვე უნდა იყოს წარმოდგენილი.

წლის დამლევს ხელისმომწერლებს **საჩუქრად დაგვზავნებათ რჩეული თეს-
ლეულობა** სხვადასხვა სამეურნეო მცენარეთა საუკეთესო ჯიშებისა.

აგრედვე, თუ შეძლება ექნება რედაქციას, ჟურნალის ხელისმომწერლებს **გაუგ-
ზავნის უფასოდ დამატება-ბროშურას** მეურნეობის რომელიმე დარგის შესახებ.

ჟურნალი წელიწადში ღირს 3 მანეთი.

რედაქციის ადრესი: Тифлисъ, Барятинская, 5. «МОСАВАЛИ».

რედაქტორ-გამომცემელი **მ. ი. რცხილაძე**

რედაქცია უმორჩილესად სთხოვს ვისაც ჟურნალის წლიური ფასი სრულად არ აქვთ შემოტანილი შემოიტანონ, რომ ჟურნალის შემდეგი ნომრები თავის დროზე გაეგზავნოთ.

რედაქციისაგან

ამ ნომრიდან ჟურნალში იწყება ბევრად ქართული ტერმინებისა მეცნიერების ყველა დარგიდან იმ განზრახვით, რომ შესდგეს მასალა, რომლიდანაც შემდეგ შემუშავდება და დაიბეჭდება **სამეცნიერო სიტყვათ-კრებული** (ლექსიკონი), ურომლისოდაც დღეს დიდ გასაჭირშია სამეცნიერო წერილების დამწერიც და წამკითხველიც.

რედაქცია მიმართავს უმორჩილესს თხოვნით ყველას, ვისაც კი ქართული **სიტყვა-სახელი** (ტერმინი) უგროვებია ან იცის, მეცნიერების რომელი დარგიდანაც იყოს და რამდენიც გინდა

იყოს, არ დაიზარონ და მოაწოდონ რედაქციას სახელმძღვანელოდ და გამოსაყენებლად.

მასალა დარგ-დარგად დაიბეჭდება შეძლებისადაგვარად. ისეთ **სიტყვა-სახელს**, რომელიც საიშვიათოა, უნდა ახსნა-განმარტება ჰქონდეს, რომ რედაქცია მიუხვდეს შინაარსს.

რედაქცია მზად არის თავისი უღრმესი პატივისცემა და დიდი მადლობა გამოუტყხადოს წინადავე ყველა იმათ, ვინც თანაგრძნობას და თანამშრომლობას გაგვიწევს ამ საქმეში.

პირველი მორიგი გამოფენა-გაზარი ხილულობისა

გამოფენა-ბაზრის გამგე კომიტეტი ამით აცხადებს რომ კავკასიის სასოფლო-სამეურნეო საზოგადოება და რუსეთის მეხილეთა საზოგადოების აქაური განყოფილება ერთად მართავენ მდგომარე წელს ოკტომბრის 10—25-დე ტფილისში კავკასიის სამეურნეო საზოგადოების დარბაზში, **კავკასიაში მოყვანილი ხილის პირველ მორიგ გამოფენა-ბაზარს.**

გამგე კომიტეტი უმორჩილესად სთხოვს ყველას, ვისაც კი აქვს ბალვენახი და მოჰყავს რამე ხილი, მიიღონ მონაწილეობა ამ გამოფენაში თავიანთი ბალის ნაწარმოების გამოგზავნით და სხვასაც მიაწვდინონ ხმა და წაახალისონ ასეთივე მონაწილეობა. რაც უფრო სავსებით იქმნება წარმოდგენილი ამ გამოფენაზე ადგილობრივი მეხილეობა, იმდენი ხილის მოყვანასა და ხილით ვაჭრობას ჩვენში შეიძლება ფართო ბაზარი მიეცეს და მეტი სარფა-გამოყენება ჰქონდეს მომავალში მწარმოებელთათვის.

ყველა ნაირი ცნობების მისაღებათ ამ გამოფენის შესახებ მსურველები მიმართავენ გამგე კომიტეტის მდივანს კავკასიის სამეურნეო საზოგადოების დარბაზში, ბარიატინსკის ქუჩა, № 5.



გამოფენა-ბაზრის პროგრამა

I კავკასიაში მოყვანილი ნელლი ხილი.

- 1. ადგილობრივი ჯიშისა;
- 2. ევროპული და რუსეთის ჯიშებისა;
- 3. სხვა ქვეყნების ჯიშებისა.

II გამშრალ-გამხმარი, შემწვარი ან სხვა რიგად დამუშავებული ხილი:

- 1. დაჩირულ-დაჩამიჩებული ხილი და ხმელი ხილი;
- 2. კონსერვები;
- 3. მურაბა, ჟელე, ნაშარაბი, ბადაგი და სხვა...

III ხილის ჩასაწყობები შინ შესანახად და შორს გასაგზავნად.

IV იარაღები და მაშინები:

- 1. ბალ ვენახში სახმარებელი იარაღები;
- 2. ნიადაგის დასამუშავებელი იარაღები და მაშინები;
- 3. მაშინები და აპარატები ხილის დასარჩევად და სხვა რიგ დასამუშავებლად;
- 4. აპარატები და სხვა იარაღები ხილების სხვადასხვა მტრებთან საბრძოლველად.

V ბალ-ვენახებში სახმარებელი მასალა:

- 1. შესაყრელ-შესასხურებელი წამლები;
- 2. შესაყელ-ასახვევები;
- 3. წასასმელი წებოები, სხვადასხვა ფისები და სხვა და სხვა.

VI სამეცნიერო და სასწავლო განყოფილება.

- 1. ბალ-ვენახების და მეხილეობის შესახები წიგნები, ატლასები, დიაგრამები და სხვა;

2. სხვადასხვა ხილის მოდელები და ყველა სხვა საგნები, რომელნიც ამ შეურნეობის დარგს შეეხებიან;

3. ხეხილთა მტრების სხვადასხვა მწერთა და სოკოთა ეკზემპლიარები და მათგან დაავადებული ხეხილების ნიმუშები.

VII ხეხილების თესლი.

VIII აღნიშნულ პროგრამის გარეშე დარჩენილი ხოლო მეხილეობისა და მეხილეობის შესახები საგნები.

გამოფენა—ბაზრისთვის მიღებული წესები

§ 1. ხილეულობის გამოფენა-ბაზარს აქვს მიზნად:

პირველი—ხილის გამოფენით (არა ნაკლებ 20 გირვანქისა და არა უმეტეს 10 ფუთისა ყველანაირი ხილი) დაასურათოს და დაახასიათოს ის მდგომარეობა, რომელშიაც არის დღეს ჩვენში ხილის მოვლა-მოყვანის და ხილით ვაჭრობის საქმე;

მეორე—გააცნოს რა გვარი დამუშავება არსებობს დღეს ხილისა და რა საშუალებით ხდება ეს დამუშავება და აგრეთვე რაში და როგორ აღაგებენ ხილს შორს გასაგზავნად.

შენიშვნა: აშკარად გარკვეულ-განსაზღვრულ ჯიშის ხილი როგორც ნიმუში შეიძლება ნაკლები ზომისა იქმნეს დაშვებული გამოფენაზედ.

§ 2. გამოფენაში მონაწილეობის მიღება შეუძლიან მხოლოდ იმას, ვისაც თვით მოჰყავს ხილი ან მის წარმომადგენელს.

შენიშვნა: კონკურსის გარეშე ხილის გამოფენა ხილით მოვაჭრეებსაც შეუძლიანთ.



§ 3. გამოფენის ყველა საქმეებს განაგებს გამგე კომიტეტი შემდგარი იმ პირთაგან, რომელთაც აარჩივენ კავკასიის სამეურნეო საზოგადოების წევრთა საზოგადო კრება და რუსეთის მეხილეთა საზოგადოების აქაური განყოფილება.

§ 4. იმ პირთ ან დაწესებულებათ, რომელნიც ისურვებენ თანახმად ზემოთ აღნიშნულ პროგრამისა თავიანთ ნაწარმოების გამოფენას, უნდა კეთილი ინებონ და მდგომარე წლის პირველ სექტემბრამდე გამოგზავნონ მიღებული ფორმის განცხადება, რომ გამგე კომიტეტმა შესძლოს ეკსპონატებისათვის საჭირო ადგილები წინააღმდეგ დაამზადოს.

§ 5. გამოგზავნილი საქონლის მიღება გამოფენის დარბაზში დაიწყება **ხუთი** დღით წინ დამოსაზოგადებელი დღით წინ გამოფენის გახსნამდე.

შენიშვნა: ეკსპონატები, რომელნიც დაინიშნულ ვადაზე გვიან მოვლენ, შეიძლება მიღებულ იქმნენ თუ მათ გამოსაფენად თავისუფალი ადგილი აღმოჩნდება.

§ 6. საქონლის მოსატანი ხარჯი გამოფენაზე თვით საქონლის პატრონისაა, ხოლო თუ ამ საქონლის ვაკზლიდან მიღებას პატრონი გამგე კომიტეტს მიანდობს, მაშინ წინააღმდეგ უნდა გადაიხადოს მოსატანი ფუთზე 30 კაპეიკი.

იგივე პირობით შეიძლება იკისროს გამგე კომიტეტმა საქონლის ჩალაგება და უკან გაგზავნა როცა გამოფენა გათავდება.

რკინის გზით უკან გაგზავნას საქონლისას გამგე კომიტეტი იკისრებს მხოლოდ მაშინ, თუ გასაგზავნ ფასს საქონლის პატრონი წინააღმდეგ სრულად გადაიხდის. ფასდადებით საქონლის გა-

გზავნას უკან გამგე კომიტეტი ვერ იკისრებს.

§ 7. ვინც ისურვებს თავის საკუთარ პოვილიონის გაკეთებას გამოფენაზე, უნდა ამ პოვილიონის პროექტი პირველ სექტემბრამდე წარმოუდგინოს გამგე კომიტეტს განსახილველად. ეს კერძო პოვილიონები გამოფენის გახსნამდე უნდა **სამი** დღით წინ იყვნენ დადგმულნი.

§ 8. ისეთი ხილი, რომელიც მალე ფუჭდება, უნდა ახალ-ახალზე გამოიცივლოს ხოლმე. წინააღმდეგ შემთხვევაში გამგე კომიტეტის განკარგულებით ესეთი ხილი გამოფენიდან სრულიად შეიძლება ალაგდეს.

§ 9. ღირს-შესანიშნავი ეკსპონატები და აგრედვე საყურადღებო ღვაწლი ამ გამოფენისთვის გაწეული შეიძლება დაჯილდოებულ იქმნეს პრემიით.

§ 10. გამოფენილი ხილისა და სხვა ნაწარმოებთა ღირსების დასათვასებლად კავ. სამ. საზოგადოების წევრთა საზოგადო კრება და რუსეთის მეხილეთა საზოგადოების აქაური განყოფილება აარჩივენ ეკსპერტთა კომისიას, რომლის გარდაწყვეტილება იქნება საბოლოო. ამ ეკსპერტთა კომისიაში ორი წევრი უნდა თვით ეკსპონენტებმა აარჩიონ, ხოლო იმათ შორის, ვინც კონკურსის გარეშე გამოფენავენ თავიანთ საქონელს.

§ 11. პრემიებათ იქნება საპატიო დიპლომები, მენდლები, სამენდლო დიპლომები და ქების ადრესები.

§ 12. გამოფენა-ბაზარზე შესვლა ელირება: დიდებისათვის 20 კაპ., ყმაწვილებისთვის — 10 კაპ.

13. საქონლის გამოსაფენად ადგილი (არა ნაკლებ 1 კვ. არშინის) მაგიდებ-

ზე ელირება თითო კვ. არშინი თითო მანეთი, კელლებზე — 50 კაპ.

ვინც საკუთარ ვიტრინას გამართავს, მას 1 კვ. არშ. ადგილში გარდაეხდევინება 1 მანეთი. ამას გარდა იარლიკებისა და სახელი და გვარის ზედწარწერის ხარჯის დასაფარავად ექსპონენტები გადაიხდიან 1 მანეთს.

§ 14. ექსპონენტები მოვალენი არიან იხელმძღვანელონ როგორც ზემოთ ჩამოთვლილ წესებით ისე ყველა იმ განკარგულებებით, რომელსაც გამოსცემს გამგე კომიტეტი ან მოახდენს მისგან დანიშნული გამოფენის რომელიმე განყოფილების ზედამხედველი პირი.

§ 15. გამოფენაზე მიღებული საქონელი ჩაიწერება ცალკე წიგნებში და ყოველივე ანგარიში გაეწევა. ფასი საქონელზე, რომლის გასყიდვა გამგე კომიტეტზე იქნება მინდობილი, თუ თვით პატრონმა არ დანიშნა, გამგე კომიტეტი დანიშნავს.

ვინც თვითონ გაყიდის თავის საქონელს, ფასსაც თვითონ დაადებს.

§ 16. ექსპონენტების წარმომადგენელთ, რომელნიც მოვლენ რამე საქმისათვის გამოფენაზე, უნდა თან ჰქონდეთ ნდობის წერილი, რომლის პირი ექსპონენტმა უნდა გამოფენაზე მონაწილეობის მიღების შესახებ განცხადებასთან ერთად წარმოუდგინოს გამგე კომიტეტს.

§ 17. იმ შემოსავლიდან, რასაც ექსპონენტი ან მის წარმომადგენელი აიღებს გამოფენილი საქონლის გასყიდვაში, როცა ამ საქონელს თითონ ჰყიდის, გამგე კომიტეტი თავის სასარგებლოდ გარდაახდევინებს 50%.

როცა გასყიდვა აუკციონით მოხდება გამოფენის გათავების შემდეგ საფ-

ყოებში, მაშინ აღებული ფულიდან საქონლის პატრონს გამგე კომიტეტის სასარგებლოდ დაეკირება 100%.

იგივე 100% გარდახდებათ იმ ექსპონენტებს, რომელნიც თავიანთ საქონელს გამგე კომიტეტის დახმარებით გაყიდვიან გამოფენაზე.

ხოლო გამოფენა-ბაზარს გარეშე მყოფ ნაწარმოების გასყიდვაში, თუ მორიგება გამოფენაზე მოხდა, მთელი მორიგებული თანხიდან საქონლის პატრონს გარდაეხდევინება 10%.

§ 18. თუ საქონლის პატრონმა არ შეატყობინა გამგე კომიტეტს, რა უყოს მან ამ საქონელს როცა გამოფენა გათავდება, საქონელი შეინახება და პატრონს შეუძლიან უკან მიიღოს: ნედლი ხილი — ერთი კვირის განმავლობაში, სხვა საქონელი — ორ კვირაში. წინააღმდეგ შემთხვევაში გაუტანელი საქონელი გამოფენის სასარგებლოდ რჩება.

§ 19 სასურველია რომ გამოფენილ საქონელს პატრონებმა შემდეგი ზედწარწერა მიაკრან:

1. საიდან გაიჩინეს ბაღში, ანუ ვისგან შეიძინეს დასამყნობათ ან დასარგავად;

2. მეცნიერული (პომოლოგიური) და ადგილობრივი სახელი;

3. როდის მწიფდება (საზაფხულოა, შემოდგომისა, თუ ზამთრის ჯიში) და როდემდ სძლებს;

4. ხე რამოდენია სიმაღლით და მთელი ტანი;

5. როგორ ნიადაგს და ჰავას თხოულობს;

6. რამდენად ადვილად უძლებს ან ვერ უძლებს ქარს, გოლვას, სიცივეს და რომელი სატყვიერისა უფრო ეშინიან;



7. რამდენი ამისთანა ხე დგა მთელ ბაღში დაახლოვებით;

8. როგორი სხმოიარობა იცის.

ყველა ამ ცნობების დასანიშნავათ ბლანკები მსურველთ გაეგზავნებათ დაბარებისავე უმაღლეს. ვისაც ყველა ამ ცნობების დანიშვნა არ შეეძლება ამით მაინცა და მაინც არ უნდა დაპრაკოლდეს. ვინც ხსენებულ საკითხებზე მეტ ცნობას აღნიშნავს მით უკეთესი.

მოკლე დარიგება იმის შესახებ თუ როგორ უნდა გადირჩეს ხილი და ჩაღვდეს გამოფენაზე გამოსავაზენად, მსურველთ დაურიდებათ უფასოთ.

გამოფენაზე მიმსვლელთ ეჩვენებათ და აეხსენებათ როგორ აშრობენ-ახმობენ სხვადასხვა ნედლ ხილს, როგორ ამზადებენ კონსერვებს, მურაბებს და სხვა. იქნება მოწესრიგებული საზოგადოდ სხვადასხვა საინტერესო და სასარგებლო ცნობების გარდაცემა.

ჩვენი ქვეყნის აბრეშუმის პარკი უცხოეთის ბაზარზე

(დასასრული)

უმეტესი ნაწილი ჩვენი პარკებისა იყო მილანში, სადაც ფასები შედარებით მარსელთან ყოველთვის 10 — 20% -მდე მეტია. ზემოთ აღნიშნულ ცნობების თანხმად უფრო დიდი ფასი დეკემბრის დამლევს, იანვარს, და თებერვალში იყო მილანში 9 ფ. 40 სან. მაგრამ როგორც ზემოთ ვსთქვით ჩვენი ექსპორტიორების უმეტესობამ ვერ ისარგებლეს ამ ფასებით და უმეტეს ნაწილად 9 ფ. 20 ს.—9 ფ. ფრანკში გაყიდეს. პირველი სორტის პარკი ზოგმა 8 ფ. 80 სან. გაყიდა, მეორე სორტი—9 ფრანკში და 8 ფ. 80 სან. და სხვა. მოყვანილ ცნობებიდან ნათლად სჩანს თუ როგორ ხშირად იცვლება ბაზარი. მასთან ზაფხულსა, შემოდგომასა და დეკემბრის დამლევამდე ყვითელ პარკსა და ძაფს უფრო ეტანებოდნენ მექარხნეები. ეხლა-კი თეთრ პარკსა და ძაფს უფრო თხოულობენ და ფასებმაც აიწია შედარებით. ერთი სიტყვით ყველა ქვეყნის მილიონ მეაბრაშუმეთა და მრეწველთა ბედ-იღბალი იმაზეა დამოკიდებული თუ უცხოელი მკერავნი საიდან გამოაბენ კუდს ტანისამოს ან ბევრს

ბლონდსა და ლენტს შემოახვევენ ქუდს თუ ცოტას. ერთი გოჯი ლენტი რომ მოუმატონ ან მოაკლონ ამასაც დიდი გავლენა აქვს ფასების მომატება-დაკლებაზე. მასთან აბრეშუმის ფარჩეულობა უფრო მდიდრების მოთხოვნილების დამაკმაყოფილებელი ნივთია. სულ ცოტა რამ შემთხვევაა საქირო, რომ ბაზარზე მისი მოთხოვნილება შემცირდეს. წარმოიდგინეთ პარიზის წყალ-დიდობამაც კი იმოქმედა აბრეშუმეულის ფასების დაკლებაზე. ამერიკის საფინანსო კრიზისმა კიდევ კინალამ მიწასთან გაასწორა მთელი აბრეშუმის მრეწველობა ამ ორის წლის წინედ! 45 წლის განმავლობაში აბრეშუმის მრეწველობის მატინანეში მხოლოდ ორი შემთხვევა იყო როცა პარკის ფასი მსოფლიო ბაზარზე 100 მანეთამდე ავიდა ფუთი. ერთხელ 1866 წელს, როცა საქართველოშიაც დასჩემდა აბრეშუმის ჭიას სნეულება (პებრინა) და ჩამოსულ ფრანგ-იტალიელ მეთესლმეპარკეებმა წინანდებურათ აქედან ვერ მიაწვდინეს თესლი და პარკი უცხოელ მექარხნეებს სანთლით საძებარი

შექმნათ და ფუთს 108 მანეთადაც ვერ შოულობდნენ. მეორე შემთხვევა იყო 1907 წელს, რის მოწამეც ყველა ჩვენ ვიყავით და რომელიც შეამზადეს და გამოიწვიეს 1904—1905 წლებმა და ფინანსიურმა კრიზისმა. ომიანობამ, რევოლიუციამ და თათარ-სომეხთა შეტაკებამ შეამცირეს აბრეშუმის წარმოება და მოაკლო მექარხნეებს მასალა, ხოლო რადგან ფარჩა-აბრეშუმეულობის მოთხოვნილებამაც იკლო იმ წლებში ამიტომ ამ შემცირებას ფასების მომატება-დაკლებაზე არ უმოქმედნია. 1906 წელს კი როცა მიწყნარდა ყველაფერი, უცბად იფეთქა ქარხნების მოთხოვნილებამაც, მეაბრეშუმეობის ნაწარმოებს დაეტყო ეს მოთხოვნილება და დეკემბრის დამლევს 1906 წ. პარკის ფასი 10—12^{1/2} ფრანკამდე ავიდა. ამერიკელ მეფეიქრებმა, რომელნიც უმთავრესი მომხმარებელ-გამსაღებელნი არიან, ფრანგ-იტალიელ მექარხნეების დამუშავებული დიდძალი ძაფი დაიკვეთეს წინდაწინვე, რამაც ფასი პარკზე იანვარსა და მარტში (1907) მარსელსა და მილანში 13—14 ფრანკამდე ასწია. უცხოელი პარკის მყიდველნი მოჰყვნენ ჩვეულებრივ ანგარიშიანობას, ჩაითრიეს ამ სპეკულიაციისაში ჩვენი ექსპორტიორებიც და იენისის და აგვისტოს პარკის მოსავალი წინდაწინვე იყადეს 12—14 ფრ. კილო ანუ 80 მანეთზე მეტად ფუთი. ამ გარემოებამ პარკობის დროს ჩვენში ერთი აურ-ზაური გამოიწვია—ნედლი პარკის საყიდლად ადგილობრივ ბაზარზე გამოვიდა გარდა ძველი მყიდველ-ექსპორტიორებისა ბევრი სხვა-ახალიც შავი-ქვის მრეწველ-ექსპორტიორი ბერძენი და გერმანელი, მოსკოველი ვაჭა-

რი, ფრანგ-იტალიელი და ვინ არ გინდა! პარკის ახალმა მოვაჭრეებმა ახალ-მოდის მაშინებიც კი ჩამოიტანეს—რათა სხვაზე უფრო მალე გამოეხმოთ პარკი და მსოფლიო ბაზარზე გატანა სხვაზე ადრე მოესწროთ. ჩვენი მეაბრეშუმეები არხეინად იყვნენ, პარკის მოსავალმა ცოტათი უსუსტათ და რაც მოუვიდათ ოქროს ფასად ჰყიდდნენ. ოღონდ სახელი კი ჰქონოდა **პარკისა** და **ნაჭეჭყურაც** რომ ყოფილიყო 20—22 მანეთს არ ალაპარაკებდნენ ფუთში. მეპარკე გაჰგელებული დარბოდა დაბა-სოფელში პარკის სასყიდლად. განვლო ზაფხულმა, ტომრებს თავი მოუკერეს, წყლიან-ქვიანი პარკი ბათუმში ჩაიტანეს, აიღეს ავანსები. შემოდგომის დამლევს როცა პარკი მარსელსა და მილანში ჩავიდა მსოფლიო ბაზარზე სიჩუმე ჩამოვარდა. გამოიკვა რომ რამდენიმე ვაჭარ-კაპიტალისტების გაკოტრებით ამერიკის მრეწველობას კრიზისი შემოეპარა. ამ დროს ფრანგ-იტალიელ მექარხნეებს მოსდით ამერიკელ მეფეიქრების მიერ გამოგზავნილი ცნობა—უკაცრავათ, მაგრამ კრიზისისა გამო ჩვენ მიერ დაკვეთილ ძაფს ვერ მივიღებთ და ნუ გამოგზავნითო... ამაზე მექარხნეებმა დიდი დავიდარება ასტეხენ—როგორ შეიძლება ნაყიდი საქონლის მიუღებლობაო! ვაჭრულ კანონის ძალით მიგადებინებთო და სხვა... მაგრამ ბოლოს ამათაც პირი უტეხეს პარკის გამყიდველებს და შედგვი ის იყო რომ ერთ მშვენიერ დღეს ამათ ჩვენებურებს გამოუგზავნეს ასეთი რუსულ-ფრანგული: ჩვენი საკომისიო სახლი სარგებლობს ბედნიერ შემთხვევით, რათა დაგიმტკიცოთ ურღმესი ჩვენი



თქვენდამი პატივისცემა და გაუწყობა, რომ თქვენი შარკი მექარხნებ არ მიიღო, რადგან 100 ტომარა პირველ ხარისხის შარკში 20 ტომარა ჩხარი, ობიანი და დამბალი შარკი აღმოჩნდა, 10 ტომარაში 30 კილო თექლათის ქვა და ოცი კოკა წყალი. დიდი ხვეწნისა და მუდარების შემდეგ როგორც იქნა 82 მანეთის მაგიერ 49 მანეთად მიიღეს ფუთი. ამასთან ხარჯებიც—ზღვაში და ხმელეთზე დაზღვევისა, გემზე დატვირთვა-გადმოტვირთვა, გადასატანი ქირა ზღვითა და რკინის გზით, მედროგების, საწყობ სკლადების, ქალაქის ბაჟი მარსელში და შემდეგ იგივე ხარჯები მილანში (თუმცა ქუთათური შარკის უმეტესი ნაწილი მილანში იყიდება, მაგრამ რადგანაც საკომისიო კანტორების პატრონები მარსელში სცხოვრობენ და საქონლის გადამტანი გემიც ფრანგის კამპანიისა არის, ამიტომ ჩვენებურ შარკს პირველათ მარსელში ჩაასვირნებენ ხოლმე და ფუთზე 1 მანეთიდან 1 მ. და 50 კაპეიკამდე მეტს აწერენ), სულ ამდენი და ამდენიათასი ფრანკი დავხარჯეთ და ჩავწერეთ თქვენს კრედიტში, რომლის დასაფარავადაც უნდა გამოგზავნოთ კიდევ 40,000 ფრანკო. ამგვარად ჩვენი ექსპორტიორი ვერაფერ ყოფაში ჩავარდა.

უცხოეთშიაც იგივე იყო იმ ხანებში. მაგრამ იტალიის მთავრობამ, რომლის უმთავრეს შემოსავალს მეაბრაშუმეობა შეადგენს და ყოველ წლიურად 400,000,000 ფრანკზე მეტს შემოსავალს სძენს, ბანკირების დახმარებით 150,000,000 ფრანკის შეღავათიანი სესხი მისცა მექარხნებს, რითაც მათ ცოტა სული მოიღგეს და მეაბრეშუ-

მეებიც უვნებლად გადარჩნენ. სამაგიეროდ ყოველ წლიურ ხარკად 15,000,000 კილო ხმელი შარკის მოწვევა იკისრეს.*)

საფრანგეთის მეაბრეშუმესა და მექარხნეს მდგომარეობას ხომ ქება არ უნდა. ეს მეთორმეტე წელია რაც მათ საჩუქარი აქვთ დანიშნული—ყოველწელ შარკობის დროს მეაბრეშუმეს თითო ფუთ ნედლ შარკში 5—6 მანეთი საჩუქარი ეძლევა, მექარხნე კიდევ, რამდენ ფუთ ძაფსაც ამოიღებს მთელი წლის განმავლობაში, იმდენ 34 მანეთს მიიღებს მთავრობისაგან. საფრანგეთის რესპუბლიკა ყოველწლიურად არიგებს მეაბრეშუმეებზე საჩუქრად 6 მილიონ ფრანკს და მექარხნეებზე—4 მილიონს. სამაგიეროდ მრეწველიც და მწარმოებელიც ცდილობს რესპუბლიკის მრეწველობას ყოველწლიურად 350,000,000 ფრანკი შესძინოს. აი რითი აიხსნება რომ შერყეულ ბაზრის წამოსაყენებელ-გასამაგრებლათ მეაბრეშუმე ქვეყნების მთავრობა ყოველგვარ საშუალებას ხმარობს საჩუქარ-პრემიების დანიშვნით და შეღავათიანი სესხის გაცემით. რაც შეეხება ჩვენი ქვეყნის მეაბრეშუმეობას და შარკისა და ძაფის აღებ-მიცემობას ამათ სულ სხვანაირი სენი დასჩემდათ და სულ სხვანაირ წამლობას მოითხოვს, ვიდრე ჩვენებურ მეპარკე-ექსპორტიო-

*) ყველა ქვეყნებში დაახლოებით 70,000,000 კილო ხმელი შარკი მოდის ყოველ წელს. აქედან 15,000,000 კილო იტალიაში; 2,500,000 კილო საფრანგეთში; 4,000,000 კილო ოსმალეთში; 2,000,000 კილო საქართველოში და ამიერ კავკასიის სხვა გუბერნიებში; 2,000,000, ბუხარაში; 1,900,000 კილო სპარსეთში და სხვა მეაბრეშუმე ქვეყნებში.

რებს და ნუხა - შუშელ მექარხნებს ჰგონიათ. მაგრამ ამაზე შემდეგ მოვილაპარაკოთ. უკანასკნელებმა შარშან ნამესტნიკს თხოვნა მისცეს — ვიღუპებით, პარკზე ფასმა აიწია და გვიშველეთ ბაჟი შემოიღეთ, უცხოეთში არ გაიტანონ და პარკი აქ ჩვენ დაგვრჩესო. ამ 50 წლის წინეთ, როცა საფრანგეთ-იტალიაში ჭიის სენი პებრინა იყო გავრცელებული და საღი თესლი საქართველოდან გაქონდათ (2000 ყუთამდე წელიწადში) უცხოელ მეთესლმეპარკეებს, იგივე ნუხელ-შუშელ მექარხნეთა თხოვნით მთავრობამ ბაჟი დაადო თესლის გატანას საქართველოდან და აღმოსავლეთ კავკასიიდან გირვანქაზე 3 მანეთი ან კოლოფზე ერთი აბაზი. ეს ბაჟი 1863 წლიდან დღემდე არ მოუხსნიათ, რაც ძლიერ აბრკოლებს საღი აბრეშუმის თესლის გავრცელებას ჩვენში.

უცხოეთიდან უფრო ოსმალეთიდან აუარებელი თესლი შემოაქვთ (1000 ფუთამდე) უბაჟოთ. თუ შემოწმების შემდეგ უვარგისი აღმოჩნდა და ან ბევრი თესლი მოგროვდა ბაზარზე და გინდათ უკანვე დააბრუნებინოთ ან და სადმე სხვა ქვეყანაში გაატანინოთ (უვარგისი თესლის დაწვით მოსპობას

კანონი ნებას არ აძლევს), უსათუოდ ბაჟი უნდა გადახადოს პატრონმა ყოველ კოლოფზე აბაზი. ამას ის არ შვრება და გლახა ზედმეტი თესლი ჩვენში რჩება და აფუჭებს პარკის მოსავალს. ამ არანორმალურ მდგომარეობაზე მებარეშუმეთა და მეურნეთა კრებას არა ერთხელ მიუქცევია ყურადღება, მაგრამ ბაჟი დღესაც აუხსნელია.

გარდა პარკისა ჩვენი სოფლის სხვა ნაწარმოებიც ბევრია მსოფლიო ბაზარზე. ყოველწლიურად რამოდენიმე მილიონ მანეთისა საღდება სიმინდი, მატყლი, კვერცხი, თხილი და კაკლის ხე, ნიგოზი კაკლად და დარჩეული, ბზის ხე და სხვა. მარტის პირველ რიცხვებში ფუთი თუშური მატყლი რომელსაც უცხოეთში „georgie“ — საქართველოს მატყლს ეძახიან, ფასობდა საუკეთესო თვისებისა კილო 95 ს. ანუ ფუთი 11 მანეთი და 75 კაპ.; საშუალო თვისებისა იყო — 6 მან. 85კ. და დაბალი თვისების 4 მ. 80 კაპ.. სიმინდი (ფოთისა და ბათუმის, ე. ი. ქვემოიმერეთის და გურია-სამეგრელოს მიდამოსოფლებიდან) ფუთი 79—80 კ. ხოლო თებერვალში 86 კაპ. იყო. არც ნიგოზის ხეა ეხლა კარგ ფასში.

იოსებ ქუთათელაძე

ხეხილის მტრები

გაზაფხულზე, როდესაც ხეხილი ყვავილს და ფოთოლს იჩენს, მრავალგვარი მწერი და ჭია-ლუა ესტუმრება ხოლმე მას.

ეს ჭია-ლუა ხშირად მოსავალზე ხელს აღებინებს პატრონს და ზოგჯერ თვითონ ხესაც უსპობს სიცოცხლეს.

ასეთია, მაგალითად, ვაშლის **სკულიტუსი**, რომელიც პატარა შავი მწე-

რია მოკავებული დინგით და წააგავს ცოტათი უგრებლის ჭიას. ამ მწერმა გუნდობით იცის მისევა ახალგაზრდა ვაშლის ხეზე, რომლის ძირებს და მომსხო ტოტესს ხვრეტავს, ხშირად ერთი ვერშოკის სიღრმეზე და შემდეგ კანსა და ცილას შუა კვერცხებსა სდებს. კვერცხებიდან წვრილი მატლები იჩეკება და ეს მატლი იწყებს კანს ქვეშ

სიარულს და ხის ცილის ქამას. ხე ფუტუროვდება, ქერქი უხმება და თითონაც ხშირად ხმება.

ცხინვალს ახლო ბევრი ვაშლი მინახავს ასე 10—15 წლისა გამხმარი სკულიტუსისაგან. თვით ჩემ ბაღში, ბორჯომის ხეობაში, შარშან, 1909 წ., 4 და 17 აპრილს რამდენიმე ვაშლს გაუჩნდა ეს მწერი. ორს მათგანს ძალიან ბლომად მოსდებოდა, ასე რომ თითქმის ორასამდე ადგილას იყო დახვრეტილი, საიდგანაც წყალი სდიოდა.

წამლობა: წმინდა წინდის ჩხირი უნდა დაეტაროს ნახვრეტებში, შიგ მყოფი მწერი მოისრისოს და ნაადგილვეი ერთმანეთში ახელილ თიხით და საქონლის ახალი ნეხვით ამოეგლისოს.

თუ მწერმა მოასწრო მატლების გამოჩეკა და ხის კანს ქვეშ მოქმედება, მაშინ შემხმარი ქერქი უნდა დანით ამოიჭრას და ადგილი თიხით ამოეგლისოს.

ადრე გაზაფხულზე ვაშლსა და მსხალს უჩნდება **ყვავილის მჭამელა**. ეს პატარა შავია მწერია მოგრძო ცხვირით, რომლითაც ხვრეტავს გაუშლელ ყვავილის კოკორს და შიგ თითო კვერცხსა სდებს. კვერცხიდან თეთრი მატლი იჩეკება. მატლი სჭამს ყვავილის გულსა და ჯერ გაუშლელი ყვავილი ქცნება, ხმება და მატლიანად ცვივა ძირს მიწაზედ. მიწაში მატლი პარკს იკეთებს და ორიოდ კვირის შემდეგ პარკიდან ახალი მწერი გამოდის და ახლა ნაყოფს ესევა და უწყებს ქამას.

მის წინააღმდეგ შემდეგი ზომები იხმარება: დილით ადრე ხის ქვეშ გაუშლიან ზეწრებს და ხის ტოტებს არხევენ. სიცივისაგან შეკრუნჩხული მწე-

რი ადვილად ცვივა ძირს და შემდეგ ცეცხლში იბერტყება. დაზიანებულ კოკრებს კი ხელით ჰკრეფენ ხიდან და ცეცხლში სწვავენ. ამ წელს ყვავილის მჭამელა 27 მარტს გაჩნდა წვრილ სამურაბე ვაშლზე და დროზედ მოვბერტყეთ.

ამავე დროს ვაშლსა, მსხალს და ქლიავს უჩნდება **რინხიტუსი**. ეს მწერი ხვრეტავს გაუშლელ ყვავილის კოკორს და გულსა სჭამს, აგრეთვე ფოთლიან კვირტებსა და ნორჩ ყლორტებსაც მოღრღნის ხოლმე. კვერცხებს ფოთლებში სდებს, კვერცხიდან გამოსული მატლი ფოთლის ყუნწში იმალება, ფოთოლი ცვივა ძირს და მაისის გასულს მიწიდან ამოდის ახალი მწერი, რომელიც ახლა ნაყოფს მიესევა და სჭამს.

თიბათვეში რინხიტუსი ნაყოფს ხვრეტავს დინგით, შიგ წვრილ თეთრ კვერცხსა სდებს, კვერცხიდან მატლი იჩეკება და ნაყოფსა ღრღნის. დაჭიანებული ნაყოფი ცვივა მიწაზე და მატლიც მიწაში ინახავს თავს მეორე გაზაფხულამდე.

ვაშლის რინხიტუსი ბჭყვრიალა მუქი სოსანის ფერისაა, ექვსი ბორჯლიანი ფეხი აქვს და გრძელი დინგი, რომელსაც ბოლოზე ორი პატარა უღვაშის მზგავსი ბეწვი აქვს. საკმარისია ხელი შეახოთ ფოთოლს ან ტოტს, რომელზედაც რინხიტუსი ზის, რომ მაშინათვე ჩამოვარდეს და თუ დილა არის, ძირს დაეცემა, რადგან ღამით შეცივებული ფრთებს ვცდარა ხმარობს. მზის ამოსვლის შემდეგ კი ფრთებს იშველიებს და ისევ ხეს მიეტანება ხოლმე, ფრენა სუსტი იცის.



მსხლის რინხიტუსი უფრო მოზრდილია.

ზომები ამ მტრების წინააღმდეგ იგივეა, რაც ყვავილის მჭამელას წინააღმდეგ. ამასთან მაისის განმავლობაში ხის

ძირას ჩამოცვივნილი თოთოლი და ძირს ნაყარი ხილი უსათუოდ უნდა აიკრიფოს და დაიწვას.

გ. თაქთაქიშვილი

ბახჩისარაის კვახი

ეს კვახი სრულებით არა ჰგავს ჩვენში გავრცელებულ კვახს ანუ გოგრას. იგი ბუჩქათ იზრდება და ძრიელ ბლომათ ისხამს. როცა ნორჩია და ნაზი, ხარშვენ და დაკვილი ხორცის ჩასართავად (ფარშათ) ხმარობენ. უნდა ვსთქვა რომ ამ კვახს ერთი შეუდარებელი კარგი თვისება აქვს: ურწყავ ადგილში ნაყოფს იკეთებს 8—10 ვერშოკს სიგძით და 3 ვერშ. სისქე-სიგანით. ნაყოფი უნდა დაიკრიფოს სანამ სიმწიფეში შევა, თორემ ახალ-ახალს აღარ დაისხამს.

ბუჩქა კვახები რამდენიმე ჯურაა. მაგალითად თეთრი ბუჩქა, იტალიანური ბუჩქა, მაგრამ ბახჩისარაის ბუჩქას ყველანი ჩამოუტრებიან სხმოიარობით.

იქ, სადაც საძოვარი ცოტაა ღორ-ხმოსათვის, ამ კვახს დიდი სარგებლობის მოტანა შეუძლიან ჩვენში. მთელ ზაფხულს და შემოდგომას ეს კვახი მრავალ საკვებას იძლევა წვრილ საქონლისათვის.

მე მინახავს მეურნეები, რომელნიც ზაფხულში ღორებს საძოვარზე არ უშვებენ და მხოლოდ ამ კვახით ასაზრდოებენ წვრილ საქონელს.

ვგზავნი თესლს ამ კვახისას და სცადონ ჟურნალ „მოსავლის“ ხელისმომწერლებმა. მეტადრე საინტერესოა სარწყავ ადგილებში დაითესოს ქართლსა და კახეთში. იმერეთში ურწყავშიაც კარგად მოვა.

გ. კარალელი

ყელის ავადმყოფობანი

ყელი წარმოადგენს მილს, რომელიც აერთებს პირსა და საყლაპავს კუჭთან. საყლაპავიდან დაწყებული შუა კისრამდის იგი სძევს სასულეს ზევით, მერმე თანდათან მარცხნივ გადადის და მკერდში შესავალთან მთლად მარცხნივ მოექცევა სასულეს; მერე გაივლის მკერდში, იქიდან გავა მუცელში და იქ შეუერთდება კუჭის თავს. საყლაპავთან, მკერდში შესავალთან და მკერდიდან მუცელში გასავალთან ყელი ცოტათი ვიწროა, დანარჩენი ადგილები კი წარმოადგენენ ერთი ზო-

მის მილს. ყელის კედლები მთელ მის სიგძეზედ ერთი სისქისაა. შიგნით ყელი მოფენილია ღორწოიანი კანით, რომელიც წარმოადგენს პირის და საყლაპავის ღორწოიანი კანის გავრძელებას.

1. ყელის ანთება.

ყელის ღორწოიანი კანი, როგორც პირისა და საყლაპავისა, ხშირად ხდება ავად ანთებით, მაგრამ, თუ ანთება ღორწოიან კანს არ გასცილდა და უფრო ღრმად არ წავიდა ყელის კედლების სისქეში, ავადმყოფობა დიდად

საგრძობელი არ არის ცხოველისათვის. ამიტომ ხან შეუმჩნეველიც კი რჩება გარედან და ადვილად გაივლის ხოლმე თავისთავად.

ხოლო თუ ლორწოიანი კანიდგან უფრო ღრმად არის წასული ანთება ყელის კედლებში, უმეტესად. თუ ანთებიანი ადგილები ყელის კედლებისა დაჩირქდნენ, მაშინ ავადმყოფობა დიდად საგრძობელი ხდება და თვით ნიშნებიც ავადმყოფობისა უფრო გამოაშკარავებული და გამორკვეულია.

ყელის ასეთნაირ ანთების დროს ცხოველი საჭმელს კარგათ ღეჭავს, კიდევაც ყლაპავს, მაგრამ ლუკმა ყელში უჩერდება და ცოტა ხნის შემდეგ უკანვე უცვივდება ზოგი პირიდან და ზოგიც ცხვირიდან. ამ დროს ცხოველი დიდს ტანჯვაშია, თრთოლავს, გმინავს და კრუსუნებს, ახველებს, პირიდან ლორწო ჩამოუწურწურებს. ხშირად გულის რევაც აქვს, ზოგჯერ წამოადებინებს უსუფთაო ქაფიან ლორწოს, რომელშიაც ურევია საჭმელის ნამცეცები, ჩირქი (თუ ყელის კედლები დაჩირქებულია) და ყელის კედლებიდან ადვლეპილი ლორწოიანი კანის ნაკუწები. ზოგჯერ ლორწოიანი კანი ყელის კედლები მთელ სიფართოეზედ ამოეღვლიპება. მაშინ პირიდან წანაღებ ლორწოში ლორწოიანი კანის ნაგლეჯები მისდევს მილის ფორმისა, ე. ი. იმ ფორმისა, რა ფორმისაც თვით ყელია. გარედან ყელზედ ხელის შეხება დიდ ტკივილს აგრძობინებს ცხოველს და ზოგჯერ გულის რევასაც აუტებს ხოლმე.

ყელის ანთების გამომწვევი მიზეზები იგივეა, რაც პირისა და საყლაპავის

ანთებისა იყო: ხმელი და მოუხეშელი საჭმელი, მწარე და მწვავე სასმელი, საჭმელი ან წამალი; გაყინული, თრთვილიანი, ცხელი, ობიანი, ტალახიანი სასმელ-საჭმელი; ბევრი მარილი, ან სხვა ისეთი ნივთიერებანი, რომელნიც ძლიერ აზიანებენ ლორწოიან კანს. კრილობები ყელის კედლებზედ, რომელიც შეიძლება მიეცეს ცხოველს სხვადასხვა პირიანი და მაგარი საგნებით, მაგ. დაქრილი ჩაღით, ან საჭმელში ჩაყოლილი ნემსით, ლურს მით, ნაფოტით, ძვლის ნატეხებით და სხვა.

ამათ გარდა, ზოგიერთი ავადმყოფობანი, მაგ. ყვავილი, ცოფი, პირისა და საყლაპავის ანთება აგრედვე გამომწვევნი არიან ყელის ანთებისა.

ექიმობა. ავადმყოფს უნდა მიეცეს რბილი და ადვილად ჩასაყლაპი საჭმელი; ახლოს უნდა ედგეს ცივი სუფთა წყალი, რომ ყელი გაიგრილოს და გაისუფთავოს ხოლმე; ასეთ წყალს თუ შევამჟავებთ ცოტათი ცხარე ძმარით, ან წყალ-ნარევი მარილის სიმჟავით კარგი იქნება (1 ჩაის კოვზს წყალნარევი მარილის სიმჟავეს გავურევთ 5—8 ბოთლ წყალში).

ამის გარდა ძლიერ რგებს ავადმყოფს შავი ღვინის დაღვინება. ასმევენ აგრედვე მუხის კანის ნახარშს (1 გირვანქა მუხის კანისა 5—6 ბოთლ წყალში).

გარედან ყელი უნდა ვუგრილოთ ცივი ტილოებით, რომელსაც მალ-მალ გამოვუცვლით.

გრ. ცხადაძე.



კითხვა და პასუხი

კითხვა. წელს აქეთ ჯეჯილის ფოთლებზე გაჩნდა რაღაც ჟანგის ფერი წვნიკი სოკოები, რომლებსაც ჟანგის ფერი მტვერი სდის და რომელსაც ხალხი „**ჟანგარო**“-ს ეძახის. სოკოები უფრო მოდებულია ჯეჯილის ქვევით ფოთლებზე, რომლებშიაც მცენარე სოკოების გამო დამკნარ-გაყვითლებულია. ხალხი ამ მოვლენას კარგის მოსავლის მომასწავებელათ სთვლის და თავის ამ აზრს იმაზე აფუძნებს, რომ ამ ათი-თხუთმეტი წლის წინად „**ჟანგარო**“ ხშირი მოვლენა ყოფილა და როცა კი „**ჟანგარო**“ გასჩენია კინახულს, მოსავალიც კარგი ყოფილა. ესეთი აღსნა ამ მოვლენისა ცოტა არ იყოს რაღაც ზღაპრულია და ამიტომ უმოორჩილესად გთხოვთ განგვიმარტოთ, თუ რისგან ჩნდება ეს სოკოები და რა გავლენა აქვს კინახულზე.

აღ. კახელაძე.

პასუხი:—ამ წერილთან რომ დაავადებული ჯეჯილიც მოეყოლებინა ავტორს, რასაკვირველია, უფრო გავვიადვილებდა პასუხის მიცემას.

„**ჟანგარო**“ იგი ალბად არის *Uredo Linearis Lamb* წარმომდგარი ძრიელ წვრილი სოკოებისაგან (*Uredineae*).

ამ სოკოს სფორები მოტანილი ქართლ ან მწერებით მიეკვრებიან ხოლმე ნორჩ ჯეჯილს და 8—12 დღის განმავლობაში იზრდება მრავლად პაწაწინა სოკოები **ურედსფორები** მოჟანგრო ფერისა, რომელნიც ცალკცალკე ასხედან მცენარეს ღეროზე უფრო ქვემოთ ნაწილზე. ეს პაწაწინა სოკოები ადვილად ცვივიან ძირს და ახლა სხვა ადგილას ამოდიან. ურედოსფორა ოღონდ კი მოხვდეს მას წვეთი წყალი ან ნესტიანი ადგილი და მაშინათვე იწყებს ზრდას. მის ქსელები, როგორცობი გამოძცხვარ

პურს, გაუჯდებიან ხოლმე მცენარის ნამჯას და აჟანგრებენ მას. ზაფხულის დამლევს ურედოსფორების გამრავლება ისპობა და მათ მაგიერ წარმოსდგებიან ზამთრის სფორები, რომელნიც თავიანთი შავი ფერით შესამჩნევად განსხვავდებიან ურედოსფორებისაგან.

„**ჟანგარო**“ მრავლდება უფრო ნახნავის კვლებში, ყანების სანაპიროებში და არა შუა ყანაში. ამიტომ ზოგან მის მოწამლვასაც ახერხებენ—ასხურებენ ამ სანაპიროებში შაბიამანს ისე როგორც ვენახებსა ვწამლავთ.

რადგან ყანის ნაპირებში ამოსული ბალახი ხელს უწყობს ურედოსფორების გამრავლებას და „**ჟანგაროს**“ გაძლიერებას, ამიტომ ურიგო არ იქნება რომ ეს სანაპიროები გამოითიბოს ხოლმე.

თუ „**ჟანგარო**“ ძლიერ გავრცელდა ვნება დიდი შეუძლიან მოუტანოს მოსავალს.

გაყვითლებული ღერო მცენარისა უძლურდება, მცენარეს ველარ იმაგრებს და ყანა იქცევა. წაქცეული ველარ საზრდოობს კარგად, თავთავი მარცვალს ბევრს ველარ იკეთებს და რაც კეთდება ისიც დამშეული გამოდის. ზოგჯერ შეიძლება ამ სატკივარმა სრულიად ხელცალიერი გაუშვას ყანის პატრონი.

„**ჟანგარო**“ ბევრმა მცენარემ იცის (ყველაზე მეტად კი კოწახურმა), სხვადასხვანაირია, ყველა ქვეყნებში არის გავრცელებული.

ქერსა და ფეტვს უფრო ნაკლებ ემტერება, ვიდრე პურს.

თავიდათავი საშუალება ამ სატკივრის წინააღმდეგ სათესლე ხორბლის ვადარჩევა და წამალში გაწმენდა არის*).

რედ.

* თესლის გაწმენდაზე იხილე „მოსავალი“ № 2, 1909 წ.

მასალა სამეცნიერო სიტყვათ-კრებულის შესადგენი

ბალახები

იონჯა	ეკლას
სამეურსა	ვამლას
ძურწა	მატიტელას
ურა	ბაღბას
თივაქარცლას	ლაგარძადვას
შაღაფას	თავშავას
ღვარძლას	გვირილას
რძიანას	ძირხვეწას
კუტი ბაღასი	ტუსტი
შაკიდელას (გძელი ბა- ლახია გაბმული)	ვირტერეფას
კლარჭას	ხვარტელას
ონტერეფას (ამის ყვი- თელ თავს ცხვრის დუ- მაში ურევენ და ერ- ბოს ამზგავსებენ)	ენდრო
	შვრას
	კანათი
	კარასანას (ყვითელი თავი აქვს კბილის წა- მლად ხმარობენ).

სხვადანსხვა მხალი

ქათმიკუჭას	საჭიჭორას
ციკინიურას	ვაზის ძირას
შირწმინდა	ღორის ქადა
ბებრიკონკას	ხადარ ქათამას

მწვანელები:

ქინძი	ქონდარი
ხახვი, თაღიში ხახვი	ტარხუნას
ნიორი	რეჭანის
პრასას	პატუნას
წიწმეტას	ოსრახუში ანუ მად- დანოზი
კამას	

საკმელად ხმარებულნი:

ჭინჭარი	სვინტრი
დანდური	სტატურნი
ანჯაკელი	

ბოსტნეულობა

კართოფილი	ბადრიჯანი
მიწივამლას	ღობიო

სტაფილა
ჭარხალი
პამიდარი

ცერცვი
მუსუნდო
სისირი

სოკოები:

ნიეგას	დათვის სოკო
ქამას	მერცხლის სოკო
ღებანას	გველის სოკო
ხრამუნას	ქოშოტას
ნემო	ხის სოკო
რძიანას	პაჭიჭას
წითელკვას	წითელის სოკო
მჭადა	კაკლის სოკო
ვანდი	კაკიანთ სოკო (საწამ- ლაგია. როცა შეიწ- ვება გალურჯდება).
ხეთამხადა	

მიწები:

ანო (გაუტენავი მიწა გაკაფული ტყის ქვეშ).	წლით უხნავად დარ- ჩენილი).
ეპირი (კუნძებ ამო- ვლებულ ხოლო დიდი ხნის უხნავი).	ახეხნარი (დიდი ხნის დაუბარავი).
ნახსტი (ერთი ან ორი ნახსტი)	ნათუნარი (ნამსუქ- ნი ადგილი).

სახნავები:

ნაქანობი	ნაქელაღი
ნაბამბარი	ნასამინდარი
ნათეტვარი	

შამოდგომის ნათესობა:

შური(თავთუხი და დო- ლის პური)	ქერი
----------------------------------	------

ანეული (გაზაფხულის ნათესობა)

დიკას (პური)	სამინდი
ქერი (шестипяд- ный).	ფეტვი ღობი



საეურნეო ცნობები

ვალტირის წასასმელი ფოლადისა და რკინის დაუნგების წინააღმდეგ.—ეს წასასმელი აქე მზადდება: $2\frac{1}{2}$ სტაქან წყალს ცოტა (10 გრამი) გლიცერინს მიუმატებენ და $\frac{1}{2}$ გირვანქა მუხის ნახარსსა და $\frac{1}{4}$ გირ. გუმბარაბს გადაურევენ. ნარევისნელ ცეცხლზე დაიტყვენ სანამ გაიბმება-გაერთიანდება. შემდეგ გააციებენ და შეინახვენ ცალკე ჭურჭელში—ჯამში ან ქილაში.

როცა რამე რკინეულობას ან ფოლადეულობას ვინახავთ, ეს წასასმელი უნდა წაუსვით და აღარ დაუნგდებიან.

ლითონების გაწენდა ჭურჭელსა და უნგისაგან.—ამ ბოლო დროს ლითონების გასაწმენდად შემდეგ სულ უბრალო წამალს ხმარობენ. ერთ კრუჟკა ნავთს ბოთლში ცოტა

პარაფინს ჩააყრიან წვრილად დაჭრილს და შეაჭანჭყარებენ რომ პარაფინი დადნეს. დააციონ ნარევის ორიოდ დღე, ხოლო დროგამოშვებით უნდა შეაჭანჭყაროთ და წამალი მზად არის.

ხმარების წინ ბოთლი უნდა კარგა შეჭანჭყარდეს, შემდეგ წავსოს ჩოთქით წამალი გასაწმენდ სპილენძეულობას და მაუდის ან ტილოს მჩვრით გაიხეხოს. რაც უნდა ან ჭურჭელი ჰქონდა ლითონს სულ გადაუვა.

დაბებული ლიმონი ჭიანჭველებს წინააღმდეგ.—ჭიანჭველებს თურმე ძალიან ეჯავრებათ დაბებული ლიმონის სუნი. ერთი-ორი დღე სრულიად საკმარისია ესეთი ლიმონი დავდოთ, რომ იქ ახლო-მახლო ერთმა ჭიანჭველამაც აღარ გაიაროს.

განცხადებანი

მთელ კავკასიაში პირველი სპეციალური **ელეატრო-მისანიკური** დაწესებულება

ა. დიუმა

ტფილისი, მიხაილავის ქუჩა, № 140, რომელიც ამზადებს მეფუტკრეობაში საჭირო ყველანაირ იარაღებსა და ავეჯეულობას.

დიდა-ფუტკრის გზრდა ხელოვნურად, წიგნები და სახელმძღვანელოები

მეფუტკრეობის შესახებ.

აქვე ყიდულობენ და ჰყიდიან **თაფლს და წმინდა სანთელს.**

პრესკურანტი უფასოთ.

სამეურნეო შურნალი

მოსავალი

ერთ წიგნად **ჰდა-ძაწმული** შურნალის ყველა 15 ნომერი აქამდე გამოცემული მსურველთ დაეთმობათ იმავე **2 მანეთში**, რამდენიც წლის დამლევამდე ღირდა შურნალი.

მოსავლის რედაქციაში იყიდება შემდეგი მართული წიგნები:

ვ. ი. რცხილაძე კრებული არითმეტიკული ამოცანებისა (მეორე ნაწილი) 50 კ.

იმისივე (თარგმანი) ქიმიკ პრ. როსკო-სი (მეორე გამოცემა) 30 კ.

იმისივე საზოგადოებრივი ცხოვრების წარსულიდან ღ შევიცარის ძირითადი კანონები 25 კ.

(ამ გამოცემის წმინდა შემოსავალი ტფილისის სახალხო უნივერსიტეტის სასარგებლოდ არის დანიშნული).

სამეურნეო შურნალი

მოსავალი

წელიწადი მეორე

მიიღება ხელისმოწერა 1910 წლისათვის.

რედაქციის ადრესი: Тифлисъ, Барятинская, 5. Редакция «МОСАВАЛИ».

რედაქცია-გამომცემელი **ვ. ი. რცხილაძე**